

## Rodēnielis

Vasarelē pamuojava  
Saulēs spindulelēs,  
Atsēdēivava  
Ē jau ēškeliava.

Nuognē džiaugas rodēnielis  
Kuojē če īkielēs,  
Ē paletē pasējiemēs  
Daža onkstēi kielēis.

Vēinus lapus tep rauduonā,  
Kētus jau geltuonā,  
Prēded spalva ēr auksēnē,  
Ana – tēkrā rodēnēnē.

Akīs raibst nu tuo margoma,  
Bet jug neožēlga  
Šalnas, vieje tou gražoma  
Ēšgainiuos pu pēivas.

Vuobelis jau nebēšlaika  
Derlio sobrondinta,  
Kartās vies da pot be saika,  
Gretiau rek noskintē.

Ēlga žēimuos vakarieli  
Skane bus pagriaužtē,  
Raudonšuoni vuobulielī  
Šērdei atsēgautē.